



Broj: 01-01-26-551-1 -I/09  
Sarajevo, 21.07.2009. godine

Na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po Zahtjevu privrednog subjekta Skupna pokojninska družba d.d. Ljubljana, Trg Republike 3, 1000 Ljubljana, Republika Slovenija, zaprimljenom od strane Konkurencijskog vijeća dana 25.06.2009.godine, pod brojem: 01-01-26-551-I/09, Konkurencijsko vijeće, na 91. sjednici održanoj dana 21.07.2009.godine, je donijelo

### **MIŠLJENJE**

Privredni subjekat Skupna pokojninska družba d.d. Ljubljana, Trg Republike 3, 1000 Ljubljana, Republika Slovenija (u daljem tekstu: Podnosilac zahtjeva), podnio je Konkurencijskom vijeću Zahtjev za davanje mišljenja (u daljem tekstu: Zahtjev) vezano za postojanja obaveze podnošenja prijave namjere koncentracije koja će nastati osnivanjem novog privrednog subjekta u skladu sa Zakonom o dobrovoljnim penzijskim fondovima i penzijskim planovima („Službeni glasnik Republike Srpske“, broj 13/09) od strane više nezavisnih privrednih subjekata.

Prema podacima iz Zahtjeva, privredni subjekti Nova Ljubljanska banka d.d. Ljubljana (sa vlasničkim udjelom 51%), Skupna pokojninska družba d.d. Ljubljana (sa vlasničkim udjelom 10%), NLB Razvojna banka a.d. Banja Luka (sa vlasničkim udjelom 1%), Bobar osiguranje a.d. Bijeljina (sa vlasničkim udjelom 10%), Brčko gas osiguranje a.d. Brčko (sa vlasničkim udjelom 10%), Mikrofin osiguranje d.o.o. Banja Luka (sa vlasničkim udjelom 8%), Kaldera company d.o.o. Laktaši (sa vlasničkim udjelom od 5%) i Krajina a.d. Banja Luka (sa vlasničkim udjelom od 5%) (u daljem tekstu: Učesnici koncentracije) namjeravaju osnovati društvo za upravljanje dobrovoljnim penzijskim fondovima sa sjedištem u Banja Luci.

U skladu sa navedenim, Podnosilac zahtjeva traži mišljenje od Konkurencijskog vijeća, da li je u obavezi podnijeti prijavu namjere koncentracije u smislu člana 12. Zakona o konkurenciji.

Članom 12. stav (1) Zakona o konkurenciji je propisano šta se smatra pod pojmom koncentracije. Na osnovu podataka dostavljenih u Zahtjevu, utvrđeno je da se u konkretnom slučaju radi o zajedničkom ulaganju na dugoročnoj osnovi više nezavisnih privrednih subjekata.

Obaveza podnošenja prijave namjere koncentracije u skladu sa odredbama člana 14. stav (1) Zakona postoji za privredne subjekte – učesnike koncentracije ako ukupni godišnji prihod učesnika koncentracije ostvaren prodajom roba i usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji, pri čemu je najmanje jedan privredni subjekt, odnosno učesnik koncentracije registrovan na teritoriji Bosne i Hercegovine, ili ako ukupan godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu

Bosne i Hercegovine iznosi najmanje 5.000.000,00 KM u godini koja je prethodila koncentraciji, ili je njihov zajednički udio na relevantnom tržištu veći od 40%.

Ukoliko su ispunjeni naprijed navedeni uslovi propisani članom 14. Zakona, Učesnici koncentracije su u obavezi da u skladu sa članom 16. Zakona o konkurenciji podnesu Konkurencijskom vijeću zajedničku prijavu namjere koncentracije, u roku od 8 dana od dana zaključenja sporazuma, objavljivanja javne ponude dionica ili sticanja kontrole, zavisno od toga šta nastupi prije.

Ovo mišljenje je dato isključivo na osnovu podataka navedenih u Zahtjevu. Ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednik**

**dr. Stjepo Pranjić**